

11 MARTIE
RUGACIUNEA
SF. IERARH
EFTIMIE AL NOVGORODULUI

Молитва

О святителю Христов Евфимие! От юности твоея Христа возлюбил еси, и благодатию Его укрепляемь, вся плотская мудрования умертвил еси, чистым житием и кротким нравом угодил еси Господеви, и по благодати Его на престоле святительства был еси, и явлися еси пастве Христовой Великаго Новаграда пастырь изряден, полагая душу твою о стаде твоём, темже пастыреначальник Христос и по смерти прослави тя подаванием чудес, от тебе истекающих, подая нам тебе образ добродетельнаго жития, и теплаго молитвенника.

Темже и аз грешный и унылый, припадая к раце мощей твоих, молюся тебе усердно: угодниче Христов, даждь ми руку помощи, воздвигни мя молитвами твоими из глубины греховныя, се бо волнами страстей плотских и уныния и иными тмочисленными житейскими треволнениями обуреваемая погибаю. Буди убо мне

многогрешному теплый ко Христу представитель
и молитвенник, да и аз от потопления
греховнаго избавлен, ко пристанищу
благоутишнаго жития благодатию Христовою
достигну, и чистым, на конец житием прослаблю
Спасителя моего, кровию Своею мене
искупившаго, и тако житие скончав, получу
живот вечный, в славу Отца и Сына и Святаго
Духа, ныне и присно и во веки веков. Аминь.